

# ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

## «Ռազմավարական Զարգացման Գործակալություն»

### հասարակական կազմակերպության և Հայաստանի Հանրապետության գյուղատնտեսության նախարարության սննդամթերքի անվտանգության պետական ծառայության միջև

«Ռազմավարական Զարգացման Գործակալություն» հասարակական կազմակերպությունը (այսուհետ՝ ՀԿ) և Հայաստանի Հանրապետության գյուղատնտեսության նախարարության սննդամթերքի անվտանգության պետական ծառայությունը (այսուհետ՝ Ծառայություն) (այսուհետ միասին՝ Կողմեր),

ղեկավարվելով սննդամթերքի, անասնաբուժության և բուսասանիտարիայի որորտներում անվտանգության ապահովման և մարդու առողջության ապահովման անհրաժեշտությամբ,

հիմք ընդունելով մարդու առողջության համար սննդամթերքի հնարավոր վնասակար ազդեցությունից պաշտպանության բարձր առաքելությունը,

կարևորելով սննդամթերքի, անասնաբուժության և բուսասանիտարիայի ոլորտներում իրականացվող գործողություններն ու փոփոխությունները, ինչպես նաև դրանց վերաբերյալ հանրային իրազեկումը,

բարձր գնահատելով սննդամթերքի, անասնաբուժության և բուսասանիտարիայի ոլորտներում անվտանգության ապահովման գործում Կողմերի արդյունավետ համագործակցության նշանակությունը,

Կնքեցին համագործակցության սույն հուշագիրը (այսուհետ՝ Հուշագիր) հետևյալի մասին.

#### 1. Հուշագրի նպատակը

Սույն Հուշագրի նպատակն է սահմանել Կողմերի միջև համագործակցության ուղղությունները, ինչպես նաև կանոնակարգել դրա պայմանները:

#### 2. Համագործակցության ուղղությունները

Սույն Հուշագրի շրջանակներում Կողմերը համագործակցում են «Սննդամթերքի անվտանգության ոլորտում իրականացվող փոփոխությունների մասին տեղեկատվական արշավ»-ի շրջանակներում, մասնավորապես՝ հետևյալ ուղղություններով՝

2.1 տեղեկատվական, ուսուցողական կամ սոցիալական բնույթի տեսահոլովակների պատրաստում,

2.2 հաց-հացամթերքի և մսի տեղափոխման նոր կարգի ու սանիտարական անձնագրերի տրամադրման, սպանդանոցային ծագման մսի անվտանգության, HACCP համակարգի մասին իրազեկում,

- 2.3 ՍԱՊԾ «Թեժ գծի» հեռախոսահամարով ինքնակաշուն թղթիկների տպագրություն,
- 2.4 սպառողների համար սննդամթերքի անվտանգության ուղեցույցի պատրաստում. անվտանգության հիմնական չափանիշների ներկայացում,
- 2.5 տնտեսվարողի համար սննդամթերքի անվտանգության ուղեցույցի պատրաստում. անվտանգության հիմնական չափանիշների ներկայացում,
- 2.6 սննդամթերքի անվտանգության ոլորտը լուսաբանող լրագրողների համար սեմինարի կազմակերպում:
- 2.7 համատեղ այլ ծրագրերի, միջոցառումների իրականացում՝ ուղղված սննդամթերքի անվտանգության ոլորտի մասին հանրային իրազեկվածության մակարդակի բարձրացմանն ու ՍԱՊԾ աշխատանքն առավել թափանցիկ դարձնելուն:

### **3. Ներկայացուցչություն**

- 3.1 Կողմերը կշարունակեն աշխատել թափանցիկության և արհեստավարժության հիմունքներով:
- 3.2 Կողմերը պետք է վստահ լինեն, որ ցանկացած գործողություն, որն իրականացվում է իրենց կողմից, անպայմանորեն ներառում է մյուս կողմի պահանջները և ապահովում է ներկայացուցչության սկզբունքը: Կողմերը պետք է ձեռնպահ մնան այնպիսի գործողություններից և/կամ վարքից, որի հետևանքով կարող են վնասել մյուս կողմի հեղինակությունը:
- 3.3 ՍԱՊԾ-ն իր համաձայնությունն է տալիս իրազեկման արշավի շրջանակներում տպագրվող նյութերում և պատրաստվող սոցիալական հոլովակներում «Ռազմավարական Զարգացման Գործակալություն ՀԿ-ն և Շվեյցարիայի Զարգացման և Համագործակցության Գործակալությունը ներկայացնել որպես արշավի անցկացմանը աջակցող և ֆինանսավորող կազմակերպություններ՝ օգտագործելով վերջիններիս կողմից տրամադրված տարբերանշանները:
- 3.4 Սույն հուշագրի շրջանակներում Ռազմավարական Զարգացման Գործակալություն ՀԿ-ն պատրաստակամություն է հայտնում աջակցել սննդամթերքի անվտանգության ոլորտում իրականացվող փոփոխությունների մասին տեղեկատվական արշավի նյութերի տպագրության, սոցիալական տեսահոլովակների պատրաստման գործընթացին և այլ միջոցառումների անցկացմանը, որոնք նախապես համաձայնեցվում են կողմերի միջև հուշագրի սահմաններում:
- 3.5 Հուշագրի շրջանակներում կողմերը կազմում են համատեղ գործողությունների պլան (հավելվածներ), որտեղ նկարագրվում և սահմանվում են «Ռազմավարական Զարգացման Գործակալություն» ՀԿ աջակցությամբ իրականացվող աշխատանքները, դրանց ծավալը, ժամանակացույցը, ինչպես նաև մոնիթորինգի և ՍԱՊԾ-ի կողմից հաշվետվություն ներկայացնելու կարգն ու ձևաչափը:

### **4. Տևողությունը**

- 4.1 Հուշագիրն ուժի մեջ է մտնում Կողմերի կողմից այն ստորագրվելու օրվանից:
- 4.2 Հուշագրի գործողության ժամկետը մինչև 2020 թվականի օգոստոսի 31-ը:
- 4.3 Հուշագրի ստորագրումից հետո դրա ժամկետը կարող է երկարաձգվել Կողմերի հետ համաձայնեցնելուց հետո: Երկարաձգումը պետք է հաստատվի գրավոր և ստորագրվի Կողմերի կողմից:

## 5. Փոփոխությունները

Համագործակցության պայմանները կարող են փոխվել միայն Կողմերի փոխադարձ համաձայնությամբ: Պայմանների փոփոխության գրավոր ծանուցումը պետք է ստորագրվի Կողմերի կողմից:

## 6. Դադարեցումը

Հուշագիրը կարող է դադարեցվել Կողմերից մեկի կողմից էական պայմանները չկատարելու դեպքում, այն բանից հետո, երբ ողջամիտ ծանուցում և հնարավորություն է տրվել կատարելու ուղղումներ:


## 7. Մյուս կողմի փոխարեն պատասխանատվություն

Կողմերից ոչ մեկը պատասխանատվություն չի կրում որևէ երրորդ կողմի այս հուշագրից բխող վնասների, կորուստների, շահույթի կամ եկամուտների համար:



Երևան, օգոստոսի 29, 2017թ.

Արմեն Միրզոյան  
ՀՀ ԳՆ սննդամթերքի  
անվտանգության պետական  
ծառայության աշխատակազմի  
ղեկավար



Երևան, օգոստոսի 29, 2017թ.

Կարինե Հարությունյան  
«Ռազմավարական զարգացման  
գործակալություն» հասարակական  
կազմակերպության  
«Անասնապահության զարգացում  
Հայաստանի հարավում» ծրագրի  
ղեկավար